

# Ժողովուրդ

62  
(2728)

2 մայիսի երեքշաբթի 2023  
տպագրության ԺԲ տարի

Թ. Երևան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

## ՀՀ ԲՆԱԿԶՈՒԹՅԱՆ ԿՐՃԱՏՄԱՆ ԷՎՈԼՅՈՒՑԻԱՆ




«Ժողովուրդ» օրաթերթը պաշտոնական աղբյուրներից տեղեկացավ, որ 2022 թվականի հոկտեմբերի 13-ի դրությամբ ՀՀ մշտական բնակչության թիվը կազմել է 2 մլն 928 հազար 914 մարդ, իսկ նույն ժամանակահատվածում առկա բնակչության թիվը կազմել է 2 մլն 638 հազար 917: Ըստ Վիճակագրական կոմիտեի՝ մշտական բնակչության թվաքանակում ներառված է ՀՀ-ում մշտապես բնակվող ու հաշվառման պահին ներկա եւ ժամանակավոր բացակա բնակչության թվաքանակների ցուցանիշների հանրագումարը: Համեմատելու համար նշենք, որ նախորդ մարդահամարն անցկացվել էր 2011 թվականին: Այդ տարվա տվյալներով՝ ՀՀ մշտական բնակչության թիվը կազմել էր 3 մլն 18 հազար 854 մարդ, իսկ առկա բնակչությունը՝ 2 մլն 871 հազար 771 մարդ: Եթե արտահայտենք թվերով, ապա մշտական բնակչությունը 11 տարում կրճատվել է շուրջ 89 հազար 940-ով:

Արդեն այսօրվանից խորհրդարանը վերսկսում է իր աշխատանքը: Մեկնարկում են ԱԺ 5-րդ նստաշրջանի հերթական նիստերը: Այս շաբաթ խորհրդարան է գնալու ՀՀ գլխավոր դատախազ Աննա Վարդապետյանը՝ ներկայացնելու դատախազության 2022թ.-ի գործունեության մասին հաղորդումը: «Ժողովուրդ» օրաթերթի տեղեկություններով՝ դատախազի՝ ԱԺ գալուստը ընդառաջ՝ շատ ԶՊ-ականներ փորձում են Վարդապետյանի հետ հարաբերություն կառուցել կամ վերականգնել, քանի որ նախկինում, երբ Վարդապետյանը աշխատում էր արդարադատության փոխնախարար եւ անարդար ձեռով հեռացվեց պաշտոնից, շատ ԶՊ-ականներ անգամ չէին բարեւում նրան: Հիմա վախենում են, որ Վարդապետյանը գուցե «վրժ լուծի» իրենցից, քանի որ շատերի ունեցվածքը շեշտակի չհիմնավորված ավելացել է: «Ժողովուրդ» օրաթերթը գրել էր, որ ԶՊ-ականները տարբեր առիթներ են փնտրում գլխավոր դատախազի հետ հանդիպելու համար, սակայն Վարդապետյանը հիմնականում խուսափում է ԶՊ-ականների հետ շփումներից: Նա ուղիղ շփման մեջ է միայն Նիկոլ Փաշինյանի հետ եւ ԱԺ գնալիս Վլադիմիր Վարդանյանի հետ է շփվում, ընդմիջում է անում ԱԺ նախագահ Ալեն Սիմոնյանի սեյակում:



Իշխանական էլիտան կիրակի օրը խնջույքի է եղել: «Ժողովուրդ» օրաթերթի տեղեկություններով՝ ԶՊ-ական վերնախավը՝ նախարարները եւ պատգամավորները, Փաշինյանի գլխավորությամբ, մասնակցել են ԿԸՀ նախագահ Վահագն Հովակիմյանի որդու հարսանիքին: Մեր տեղեկություններով՝ Փաշինյանն ընտանիքի հետ է մասնակցել միջոցառմանը: Հովակիմյանն անձամբ է գանգահարել եւ կուսակից ընկերներին հարսանիք հրավիրել՝ մոռանալով, որ ինքը անկախ մարմնի ղեկավար է եւ պետք է քաղաքական չեզոքություն պահպանի: ԶՊ-ական մեր աղբյուրների փոխանցմամբ՝ հարսանիքը բավականին ճոխ է նշվել, ԶՊ-ականներն էլ լավ քեֆ են արել, ուրախացել, ինչպես հայտնի հեքիաթում՝ աշխարհը խալի է ոտի տակ... Տեղեկացանք, որ Հովակիմյանի որդու հարսանիքը եղել է «Լիանա» ռեստորանային համալիրում, որի սեփականատերը ՀՀ աշխատանքի եւ սոցիալական հարցերի նախարար Նարեկ Սևրտչյանի ընտանիքն է:



Իրավապահ մարմինները ՀՀ պաշտպանության նախարարության աշխատակիցների գործունեության մեջ բացահայտումներ կանեն. «Ժողովուրդ» օրաթերթի տեղեկությունների համաձայն՝ սպասվում են ձերբակալություններ: Այդ բացահայտումները կապված են ՀՀ ՊՆ պաշտոնատար անձանց կողմից զինվորների օգտին կլորիկ գումարի դիմաց ինչ-ինչ ծառայություն մատուցելու դեպքերի հետ: Հիշեցնենք, որ ապրիլի 21-ին կաշառք ստանալու, տալու եւ կաշառքի միջնորդության դեպքերով կալանավորվել էին ՊՆ զորամասի հրամանատարի տեղակալն ու ես երեք անձ. ավելի ուշ՝ ապրիլի 26-ին, կալանավորվել էր Երևանի կայազորի հոսպիտալի պետը:



ՔԱՂԱՔԱԿԱՆ

ՊԱՐՏՈՒԹՅԱՆ ԴՏԵՎԱԼՔՆ Է

ԱՅՍ ԻՐԱՎԻՃԱԿՆ ԱՆՎԵՐՋ Է

«Ժողովուրդ» օրաթերթը Արցախում սեղի ունեցող զարգացումների շուրջ գրուցել է խորհրդարանի նախկին փոխնախագահ, ՀՀ նախկին արտակարգ և լիազոր դեսպան Արա Մահակյանի հետ:

-Պարոն Ասահակյան, կիրակի օրը արթնջանցիները հերթական սադրանքն են իրականացրել Արցախում փակելով Գորիսից վերադարձող արցախցիների ճանապարհը. կանգնեցրել են Նրանց, անձնագրերը ստուգել, ավելին՝ ծաղրել են Նրանց, տեսակարահանել, ինչից հետո նոր թույլ են տվել, որ վերադառնան իրենց բնակավայրերը: Ի՞նչ գնահատական կտաք այս իրավիճակին:

-Այս իրավիճակն անվերջ է լինելու: Նրանք, ովքեր հայ-արդրեջանական կամ հայ-թուրքական մերձեցումը վարդապետ են ներկայացնում, սխալվում են: Այս օրինակները մեզ հուշում են, որ Թուրքիան և Ադրբեջանը հատուկ հետաքրքրվածությունն չունեն Զայաստանի շահերի համար ինչ-որ բարենպաստ քայլեր անելու համար. այսօր Ադրբեջանի առաջին խնդիրը որքան հնարավոր է Զայաստանից շատ տարածքներ կորզելն է և ընկճված հոգեվիճակի մեջ դնել հասարակությանը, բայց Ադրբեջանի և Թուրքիայի քայլերն այնքան չեն ընկճում մեր ժողովրդին, հատկապես՝ արցախցիներին, որքան մեր իշխանությունները: Երբ ժողովրդի մեջքը կոտրող սեփական իշխանությունն է, միայն ապստամբությունը կարող է դա կոտրել: Մեր իշխանություններն այնպիսի իրավիճակ են հասցրել, որ իրենց տուն վերադառնալու համար արցախցիները պետք է Ադրբեջանի թույլտվությունը ստանան: Այս ամենը 2020թ-ի պատերազմում մեր պարտության հետևանքն է, իսկ պատերազմն էլ 2018թ-ի կեղծ հեղափոխության հետևանքն էր. այսպիսի շրջապտույտի մեջ ենք հայտնվել:

-Ձեզ համար հասկանալի է ռուսական կողմի վարած քաղաքականությունը. ի վերջո, պատերազմից հետո իրենք են պատասխանատվություն ստանձնել Լաչինի համար, որտեղ օրեր առաջ արդրե-



Ջանցիները հերթական անցակետն են տեղադրել:

-Ոչ միշտ, բայց ես իմ առջեւ խնդիր էլ չեմ դրել Նրանց վարած քաղաքականությունը հասկանալու: Ռուսաստանի ասածներն ու արածները հասկանալու համար պետք է Նախ ունենա պատասխանատու իշխանություն, որն ամենօրյա ռեժիմով կաշխատի ռուսական կողմի հետ: Ռուսաստանի վարած քաղաքականության պատճառների մի մասը պետք է փնտրել մեր վարքագծի մեջ: Պարզ է, որ դաշնակիցները պատասխանատվություն ունեն. կան միջազգային փաստաթղթեր, որոնք որոշակի պարտավորություններ են դնում կողմերի վրա: Այս ամենը հասկանալի է, բայց վանել, այն, ինչ կատարվում է Արցախում, ասել՝ ռուսներ, դուք արեք, բերում է հենց այս իրավիճակին: Ստացվում է՝ մենք հիմա ունենք մի իշխանություն, որը գիտի, թե ինչ իրավունքներ ունի ինքը, բայց չգիտի, որ պարտավոր է թույլ չտալ տարածքային կորուստներ: Նման լպիրձ, անհոգ, ցինիկ վերաբերմունքն անընդունելի է: Պետությունը և տարածքը մեկ ամբողջություն են. ասել, թե տարածքի այս կամ այն մասը մեզ համար այդքան էլ գրավիչ

չէ կամ դժգույն է, անընդունելի է: Մենք մարդկության պատմության մեջ կլինենք դեռեւս գոյություն ունեցող այն ժողովուրդներից մեկը, որը հանդուրժում է նման իշխանություններին. որտե՛ւ ժողովուրդ չէր հանդուրժի:

-Պարոն Ասահակյան, այս իրավիճակում Նախադրյալներ տեսնում եք Արցախի ինքնորոշման իրավունքի հարցը միջազգային հարթակում բարձրացնելու համար:

-Այո, տեսնում եմ: Չնայած իրավիճակը հուսահատեցնող է, բայց դրա համար քաղաքական կամք պետք է դրսևորվի, իսկ իշխող քաղաքական խումբը չի դրսևորում այդ կամքը: Ծիշտ կլինի՝ կամովին հրաժարվեն կամ իրենց տեղը զիջեն երիտասարդ սերնդին: Պետք է վերականգնել հասարակական համերաշխությունը, և ամեն ինչ էլ հնարավոր կլինի: Իշխանությունը ինչ-որ բան է գիջում, ժողովուրդը մի փոքր ցնցում է ապրում, հետո սկսում է իր քայլերը կառուցել՝ արդեն ելնելով այդ գիջումից, ասում է՝ դե, գիտեք, սա այսպես եղավ, ուրեմն մենք պետք է համակերպվենք այս իրավիճակի հետ, հետո նոր գիջում է լինում. սա է իրավիճակը:

Ջրուցեց ՔՐԻՍՏԻՆԵ ՄՈՒՇԵՂՅԱՆԸ

ՔՆՆԻՉ

ՀԱՆՁՆԱԺՈՂՈՎԸ ՄՊԱՄՈՒՄ Է



«Ժողովուրդ» օրաթերթի տեղեկությունների համաձայն՝ 2020 թվականի սեպտեմբերի 27-ին սանձազերծված ռազմական գործողությունների հանգամանքների ուսումնասիրման նպատակով ստեղծված քննիչ հանձնաժողովը սպասում է Արցախի նախկին հրամանատար Ջալալ Յարությունյանի պատասխանին, որպեսզի կարողանա հանձնաժողովի նիստ հրավիրել, լսել նախկին պաշտոնյային: Ասել է թե՛ Ջալալ Յարությունյանը խոստացել է հանձնաժողովի նախագահ Անդրանիկ Քոչարյանին ներկայանալ քննիչ հանձնաժողով, բայց օրն ու ժամը պետք է իրեն հարմարեցնի: Աժ պաշտպանության հանձնաժողովը սպասում է Ջալալ Յարությունյանի պատասխանին: «Ժողովուրդ» օրաթերթը գրել էր, որ 44-օրյա պատերազմի հանգամանքներն ուսումնասիրող քննիչ հանձնաժողով է հրավիրվելու ՊԲ նախկին հրամանատար Ջալալ Յարությունյանը: Առաջիկայում այս շարքը շարունակվելու է, և նոր հրավիրվողներ էլ կլինեն: Բանն այն է, որ քննիչ հանձնաժողովի գործունեությանը քիչ ժամանակ է մնացել, և պետք է արագացնել աշխատանքները: Աժ «Քաղաքացիական պայմանագիր» խմբակցության պատգամավոր Անդրանիկ Քոչարյանը, որ նաեւ հանդիսանում է «2020 թվականի սեպտեմբերի 27-ին սանձազերծված ռազմական գործողությունների հանգամանքների ուսումնասիրման նպատակով» ստեղծված Աժ քննիչ հանձնաժողովի նախագահը, առաջարկում է եւս մեկ անգամ երկարաձգել այդ հանձնաժողովի գործունեությունը: Յամապատասխան նախագիծն արդեն դրվել է շրջանառության մեջ, կքննարկվի այսօր մեկնարկելիք Աժ նստաշրջանում: Մասնավորապես, նա առաջարկում է հանձնաժողովի գործունեության ժամկետը երկարաձգել եւս վեց ամսով: Որպես հիմնավորում՝ նշվում է. «Ազգային ժողովի քննիչ հանձնաժողովը տարբեր գերատեսչություններից պահանջել է ստացել է բազմաքանակ փաստաթղթեր, որոնք մանրամասն ուսումնասիրելուց հետո անցել է հրավիրյալներին լսելու փուլին», այսինքն՝ վեց ամիս է մնացել հանձնաժողովի վերջնական արդյունքների համար: Յիշեցնենք, որ միայն ՔՊ-ականներից կազմված այդ հանձնաժողովի իրական նպատակը պատերազմի հնարավոր հանգամանքները Նիկոլ Փաշինյանի վրայից մաքրելն է:

ՂԱՏԱՊԱՐՏՈՒՄ ԵՆ

ԹԱԳՈՒՐԻ ԹՈՎՄԱՍՅԱՆԸ ՄԱՆՐԱՄԱՆԵՐ Է ՆԵՐԿԱՅԱՑՆՈՒՄ

Աժ մարդու իրավունքների դաշնակցության և հանրային հարցերի մեջական հանձնաժողովի նախագահ, անկուսակցական Թագուհի Թովմասյանը սոցցանցի իր էջում գրում է. «Ձերն ու մերնիկ գրուց կվերհասնի Հարավային Կովկասի հեռաբերությունների հարցերով դաշնակցության դեկավար Մարինա Կալյուրանդի հետ իմ ու ՀՀ Աժ մարդու իրավունքների դաշնակցության և հանրային հարցերի մեջական հանձնաժողովի աշխատակիցների հանդիպումը:



Տիկին Մարինա Կալյուրանդը դատապարտեց Ադրբեջանի գործողությունները, որով խաղաղության գործընթացը վտանգվում է: Նա իր գործընկերների հետ հայտարարություն էր տարածել Լաչինի միջանցքի վերաբերյալ՝ կոչ անելով Բաքվին հանձն առնել Լեռնային Ղարաբաղի հակամարտության խաղաղ կարգավորումը և հարգել միջազգային պարտավորություններն ու նորմերը: Խոսեցի Յայաստանում անվտանգային իրադրության սրման

ու դրա հետևանքների մասին՝ ի թիվս այլ-նի հիշատակելով Սոթքի ուղղությամբ արդրեջանցիների կրակոցները, որոնց հետևանքով Սոթքի 800 աշխատակիցներ 1 շաբաթից ավել հարկադիր պարապորդի մեջ են հայտնվել: Շոշափեցինք բոլոր կարեւորագույն թեմաները, որոնց մասով Աժ ՄԻՊՀՀ հանձնաժողովի մեր թիմը պարբերաբար զեկույցներ է պատրաստում, ուղարկում միջազգային բոլոր գործընկերներին»:

ԻՐԱՎԻՃԱԿ

ՏԵՍԱՆԿԱՐԱՅԱՆՈՒՄ

ՄՏԻՊԵԼ ԵՆ ԿԱՏԱՐԵԼ ԻՐԵՆՑ ՊԱՐԱՆՔՆԵՐԸ

ԻՆՉ ՄՊԱՍԵԼ ՀԱՆԳԻՊՈՒՄԻՑ

Արտաքին գործերի նախարար Արարատ Միրզոյանը Միացյալ Նահանգներում կհանդիպի Ադրբեջանի արտգործնախարար Զեյնուլին Բայրամովին: Երեւանն ու Բաքուն այլ մանրամասներ չեն հաղորդել:

Մինչ այդ ադրբեջանական «Թուրան» գործակալությունը, հղում անելով ԱՄՆ-ում իր դիվանագիտական աղբյուրներին, հայտնել էր, որ Վաշինգտոնը փորձելու է հասնել տարածաշրջանային հարաբերակցության ու խաղաղության «ճանապարհային քարտեզի» մշակմանը: Անգամ նշվել էր, որ Միրզոյանի եւ Բայրամովի հանդիպումը կարող է տեւել «մի քանի օր»:

Միրզոյանի ու Բայրամովի նախորդ հանդիպումը նոյեմբերի 7-ին էր, դարձյալ՝ Վաշինգտոնում:

Օրեր առաջ ՌԴ արտգործնախարարության խոսնակ Մարիա Զախարովան հայտարարել էր, որ կա համաձայնություն Ռուսաստանում անցկացնել Միրզոյան-Լավրով-Բայրամով եռակողմ հանդիպում: Հայաստանի արտգործնախարարությունն արձագանքել էր, որ «կան հանդիպումների առաջարկներ, հիմա նաեւ՝ պայմանավորվածություններ», բայց հանդիպման ամսաթիվը կհաղորդվի լրացուցիչ:

Հայաստանի արտգործնախարարը հրաժարվել էր անցած դեկտեմբերին Մոսկվայում նախատեսված եռակողմ հանդիպումից:

ԱԺ 5-ՐԴ ՆՍՏԱՇՐՋԱՆԻ ՆԻՍՏ

Այսօր՝ մայիսի 2-ին, խորհրդարանը կվերակայի իր աշխատանքը: Կենկարկեն ԱԺ 5-րդ նստաշրջանի հերթական նիստերը:

ArmLur.am-ը տեղեկացավ, որ ԱԺ մեկնարկելիք նստաշրջանի օրակարգում 16 հարց է ընդգրկված:

Նախատեսվում է, որ այս շաբաթ ՀՀ գլխավոր դատախազ Աննա Վարդապետյանը եւս կգա խորհրդարան՝ ներկայացնելու դատախազության 2022թ.-ի գործունեության մասին հաղորդումը: Պատմել է համայնքապետը

Ապրիլի 23-ից Ադրբեջանն ապօրինի անցակետ է տեղադրել Արցախ-Հայաստան սահմանագծին՝ Լաչինի միջանցքում, ինչի հետեւանքով Հունիսի 2022-ի համայնքները մնացել են լիակատար շրջափակման մեջ՝ կտրվելով ինչպես Ստեփանակերտից, այնպես էլ ՀՀ-ից:

Հունիսի 2022-ի շրջանի չորս համայնքների բնակիչները, որոնք անցակետի տեղադրման պատճառով մնացել էին Գորիսում, երեկ ռուս խաղաղապահների աջակցությամբ փորձել են վերադառնալ իրենց բնակավայրեր, սակայն ադրբեջանցիները Լաչինի միջանցքում կանգնեցրել են նրանց:

ArmLur.am-ի հետ զրույցում Հունիսի 2022-ի շրջանի Մեծ Շենի համայնքապետ Դավիթ Դավթյանը պատմում է՝ ադրբեջանցիները կանգնեցրել են Գորիսից Արցախ վերադարձող արցախցիներին, տեսանկարահանել նրանց, ստուգել նրանց անձնագրերը, նաեւ ծաղրի են ենթարկել նրանց, հարցրել են՝ հանքերն ո՞րտեղ են: «Ռուսներ էլի խաբել է, ասել է՝ իրենք են ստուգելու, ադրբեջանցիները չեն ստուգելու, մարդիկ գնացել են, պարզվել է՝ ադրբեջանցիներն են ստուգում», - ասում է Դավթյանը:

2023 թվականի ապրիլի 23-ից Ադրբեջանը ադրբեջանական սահմանագծին (Լաչինի միջանցքում), որի հետեւանքով Արցախի Հանրապետության Հուլիսի քաղաքի համայնքները մնացել են լիակատար օրոշակման մեջ՝ կտրվելով ինչպես Ստեփանակերտից, այնպես էլ ՀՀ-ից: Այս մասին իր ֆեյսբուքյան էջում գրել է Արցախի Հանրապետության դեսպան նախարար Գուրգեն Ներսիսյանը:

«Ապրիլի 23-ից Հունիսի 2022-ի շրջանի Մեծ Շեն, Հին Շեն, Եղցահող եւ Լիսագոր համայնքների բնակիչներին հումանիտար վիճակն օր-օրի վատթարացել է, փորձ է արվել Կարմիր խաչի արցախյան գրասենյակի միջոցով այդ համայնքներին սնունդ եւ դեղորայք մատակարարել, սակայն այդ ջանքերը արդյունք չեն տվել: Ռուս խաղաղապահների աջակցությամբ սկզբնական օրերին ծնողներին մոտ են վերադարձվել Գորիս քաղաքում մնացած երեք անչափահաս երեխաները, իսկ մնացածների վերադարձն Ադրբեջանը արգելել էր:

Լիակատար ու երկկողմանի շրջափակման մեջ գտնվող գյուղերի բնակիչների հրատապ հումանիտար խնդիրները լուծելու համար մի խումբ բնակիչներ դիմել են տեղում ծառայություն իրականացնող ռուս խաղաղապահներին, որոնց կողմից թույլատրվել է առանց զենության մասնավոր մեքենաներով անցնել Հակարիի կամրջի մոտ տեղադրված անցակետով՝ նախապես հավաստիացնելով, որ ադրբեջանցիների կողմից որեւէ հսկողական միջամտություն չի լինելու: Մեր քաղաքացիները խաղաղապահների աջակցությամբ միակողմանի ու անխափան կերպով անցել են ճանապարհը, սակայն անցակետի տեղադրման պատճառով Գորիսում մնացած հայրենակիցների հետ իրենց բնակավայր վերադարձի ճանապարհին անցակետում նրանք հանդիպել են ադրբեջանցիների: Վերջիններս, մեր քաղաքացիներին դնելով անելանելի վիճակում, ստիպել են կատարել իրենց պահանջները, տեսանկարահանել այդ գործընթացը հերթական բեմականացումը ցուցադրելու համար:

Սա հերթական ապացույցն է, որ ադրբեջանական ապօրինի անցակետը խոչընդոտում է Արցախի քաղաքացիների, մեքենաների ու բեռների անխափան տեղաշարժը՝ խախտելով 2020թ. նոյեմբերի 9-ի եռակողմ հայտարարության դրույթները եւ ՄԱԿ-ի Արդարադատության միջազգային դատարանի որոշումը: Արցա-



խի Հանրապետության ժողովուրդը սպասում է Լաչինի միջանցքի՝ եռակողմ հայտարարությամբ սահմանված ռեժիմի վերականգնմանը՝ 5 կմ լայնությամբ միջանցք՝ բացառապես ռուսական խաղաղապահ ուժերի վերահսկողությամբ»,- գրել է նա:

Արձագանքելով ադրբեջանցիների տարածած այն տեսանկյունը, որում տեսանելի է, թե ինչպես են արցախցիները Հակարի գետի վրա տեղակայված ադրբեջանական հսկիչ անցագրային կետն անցնում՝ անձնագրային ստուգմամբ եւ մեքենայի զննությամբ, Արցախի պետական խարտը նշել է, թե ՀՀ-ից «իրենց բնակավայր վերադարձի ճանապարհին անցակետում նրանք հանդիպել են ադրբեջանցիների: Վերջիններս, մեր քաղաքացիներին դնելով անելանելի վիճակում, ստիպել են կատարել իրենց պահանջները, տեսանկարահանել այդ գործընթացը հերթական բեմականացումը ցուցադրելու համար»:

Facebook-ի իր էջում ԱԺ «Պատիվ ունեն» խմբակցության քարտուղար Տիգրան Աբրահամյանը գրել է. «Միանգամից ասեմ, որ պետական խարտի այս մեկնաբանությունը համոզիչ չէ հենց միայն այն տեսանկյունից, որովհետեւ մեկ շաբաթ է՝ մամուլում, սոցիալական ցանցերում հազարավոր նյութեր, տեսանկյութեր եւ ֆոտոշարքեր էր շրջանառվում ադրբեջանցիների տեղակայած անօրինական ան-

ցակետի վերաբերյալ, եւ դժվար թե այդ հատվածով երթեւեկած քաղաքացիները նախապես դրա մասին չհիմնարկեն:

Եվ ամենակարեւորը՝ ՀՀ-ից Արցախ մուտք գործելիս՝ մինչեւ ադրբեջանական անցակետ, ծառայություն են կրում արցախցի ոստիկանները, հարակից հատվածներում, սահմանագծի պահպանությամբ ծառայություն են կրում ՀՀ սահմանապահ զորքերը, որոնք, բնականաբար, տեղյակ էին իրավիճակից:

Այս ամենը ցույց է տալիս, որ խնդիրը ոչ թե ադրբեջանական ծուղակում հայտնված արցախցիներն են, այլ Արցախի իշխանությունները, առանց որոնց թույլտվությամբ կամ համաձայնությամբ բացառված է Արցախի կամ Հայաստանի գրանցում ունեցող անձանց անցումը դեպի Արցախ կամ միջանցքի այն հատված, որտեղ տեղակայված է ադրբեջանական անցակետը:

Արցախի իշխանությունը, իսկ այս դեպքում կոնկրետ պատասխանատուն՝ նախագահը, պետք է պարզաբանեն, թե ինչ պայմանավորվածությամբ, ինչ քաղաքական որոշման հետեւանքով է տեղի ունեցել այս գործընթացը, որովհետեւ սա խաղաղապահ է դառնալու ադրբեջանցիների համար՝ միջազգային հարթակներում «հիմնավորելու», որ միջանցքը, իբր, բաց է, շրջափակում չկա, իսկ արցախցիները պատրաստ են ապրել ադրբեջանական օրենքների շրջանակներում»:

ԼՈՒՐԵՐ

ՔՆՆԱՐԿՈՒՄ ՀԵՌԱՆՈՍԱԶՐՈՒՅՅՈՎ

ԱՄՆ պետքարտուղար Էնթոնի Բլինկենը կիրակի՝ ապրիլի 30-ին, հեռախոսազրույց է ունեցել Ադրբեջանի նախագահ Իլհամ Ալիևի հետ: Այս մասին հայտնում է ԱՄՆ Պետդեպարտամենտի մամուլի խոսնակ Մեթյու Միլլերը:

Ինչպես նշված է Պետդեպի պաշտոնական կայքում հրապարակված հաղորդագրության մեջ, Ալիևի հետ զրույցում Բլինկենն ընդգծել է հայ-ադրբեջանական խաղաղ բանակցությունների կարեւորությունը եւ խոստացել ԱՄՆ-ի շարունակական աջակցությունը:

«Պետքարտուղար Բլինկենը համոզմունք է հայտնել, որ հնարավոր է խաղաղության հասնել: Նա նաեւ Միացյալ Նահանգների խորը մտահոգությունն է

հայտնել Ադրբեջանի կողմից Լաչինի միջանցքում անցակետի տեղակայման կապակցությամբ՝ նշելով, որ այն խաթարում է խաղաղ գործընթացում վստահության ամրապնդմանն ուղղված ջանքերը, եւ ընդգծել Լաչինի միջանցքը հնարավորինս շուտ բացելու կարեւորությունը», - ասված է հաղորդագրության մեջ:

ՄԻՋԱԳԵՊ ՎՐԱՏՏԱՆՈՒՄ

Վրաստանի պետական անվտանգության ծառայության (ՊԱԾ) փոխանցմամբ՝ ապրիլի 30-ին Քարելիի մունիցիպալիտետի Դվանի գյուղի մոտ ռուսական ուժերի ներկայացուցիչները ձերբակալել են Վրաստանի երկու քաղաքացու:

«Ալիք»-ը հայտնում է, որ տեղաբնակները հայտնել են՝ երկու քաղաքացիներն էլ ձերբակալման պահին անատուններ արածեցնելիս են եղել:

«Պետական անվտանգության ծառայությունը, նշված միջադեպի մասին տեղեկությունը ստանալով, ակտիվացրել է ԵՄ դիտորդական առաքելության կողմից գործարկվող թեժ գիծը: Միջադեպի մասին անմիջապես տեղեկացվել են միջազգային գործընկերները եւ ժնեյի միջազգային քննարկումների համանախագահները:

Գործարկվել են բոլոր գործող մեխանիզմները՝ ապօրինի բերման ենթարկված անձանց հնարավորինս սեղմ ժամկետներում ազատ արձակելու համար»,- նշված է ՊԱԾ-ի տարածած հաղորդագրության մեջ:

ՈՐՈՇՈՒՄ

«ԱՆՈՐՄԱԼԻ» ՎԱՐՈՐԴԻ ԳՈՐԾԸ՝ ԴԱՏԱԲԱՆՈՒՄ

2023. փետրվարի 11-ին Կենտրոն եւ Նոր-Մարազ վարչական օրհանգրվանի քննչական առաջին բաժին հաղորդում էր սահմանափակ այն մասին, որ փետրվարի 10-ին՝ ժամը 23:30-ի սահմաններում, Հանրապետության հրադարակում Պարեկային ծառայության ծառայողներին է մոտեցել «Համմեր» մակնիշի ավտոմեքենա, որի վարորդը մեքենան լիցենզիայով համար գումար է դախանջել դարեկներին:



Մերժում ստանալուց հետո, բացահայտ անհարգալից վերաբերմունք դրսևորելով հասարակության նկատմամբ, նա մեքենան վարել է Աբովյան փողոցով՝ երթելու կողմանը հանդիպակաց, չի ենթարկվել ոստիկանության ծառայողների՝ «կանգ առ» ազդանշանին, մեքենան շարունակել է վարել Արամի, Փ. Բյուզանդի, Վ. Սարգսյանի, Ազանթազեղոսի, Տիգրան Մեծի, Ամիրյան փողոցներով, այդ թվում՝ հետիոտնի համար նախատեսված վայրով՝ դիտավորյալ վնասելով փողոցներում կայանված թվով 8 քաղաքացիական մեքենաներ:

Ծուրյունից մի քանի անգամ կրակել են վերոհիշյալ ավտոմեքենայի անվաղողերի ուղղությամբ՝ փորձելով կանգնեցնել այն, սակայն վարորդը շարունակել է երթելու կողմանը, խույս տալով պարեկներից՝ մեքենան թողել է Երեւան քաղաքի Ազանթազեղոս 7-րդ շենքի կամարանցման տակ եւ դիմել փախուստի:

Այնուհետեւ նա երեւել է ՀՀ կառավարության վարչական շենքի հանդիպակաց ոչ երթելու կողմում, որտեղ, շարունակելով չենթարկվել պարեկային ծառայության օրինական պանաշին, վրաերթի է ենթարկել Պարեկային ծառայության աշխատակցին, դիտավորյալ վնասել Պարեկային ծառայության թվով 3 ավտոմեքենա:

Վարուբային գործողությունների արդյունքում պարզվել է, որ «Համմեր» մակնիշի ավտոմեքենան պատկանում է Արարատի մարզի բնակիչ Գեղամ Ս.-Ն-ին, որը եղել է ենթադրաբար թմրանյութի ազդեցության տակ: Պարզվել էր, որ տեղյակ լինելով որդու թմրամոլ լինելու մասին՝ հայրն ավտոմեքենայի բանալիները թաքցրել էր նրանից, սակայն երիտասարդը փնտրել ու գտել է ավտոմեքենայի պահեստային բանալին, որից հետո ավտոմեքենայով մարզից եկել է Երեւան քաղաք: ArmLur.am-ին հայտնի դարձավ, որ նախաքննական մարմինը դիմել է միջնորդությամբ նրա կալանքը երկարացնելու համար, ինչը բավարարվել է. նա կշարունակի մնալ երկամսյա կալանքի տակ եւ գտնվում է քրեակատարողական հիմնարկում: Նախաքննությունը շարունակվում է:

ԸՆԿՐ ՄԱՆՈՒԿՅԱՍ

ԼՈՒՐԵՐ

33 ՏԱՐԻ ԿՈՄԱՅԻՑ ՀԵՏՈ

Մահացել է 33 տարի կոմայում գտնված Լյույրքքցի ոստիկանը. գրել է New York Post-ը՝ հղում կատարելով իրավապահ մարմինների աղբյուրներին: Թրոյ Փատերտոնը 1990թ. ենթարկվել էր երեք զինված հանցագործների հարձակմանը, որոնք կրակել էին նրա գլխին՝ փորձելով խել 20 դոլար: «Յերոս ոստիկանը, որը լվանում էր իր մեքենան տնից երեք թաղամաս այն կողմ, մինչեւ իր մահը՝ շաբաթ գիշեր, վեգետատիվ վիճակում էր», - նշվել է հրապարակման մեջ: Հարձակման պահին Փատերտոնը 27 տարեկան էր, որոնցից վեցը ծառայել էր ոստիկանությունում՝ արժանանալով յոթ շնորհակալագրի մասնագիտական գործունեության համար: Արդեն հիվանդանոցում նրան շնորհվել է դետեկտիվի կոչում:



Բժիշկները հիմնականում ստիպված են աշխատել հոգեբանական մեծ ճնշման տակ:

ՀՐԱԺԱՐՎԵԼ Է ԵՐՐՈՐԴ ԲՈՒԺՈՂ ԲԺՇԿԻՑ

«Վիվամեր» կլինիկայի տնօրեն Զուրաբ Զխաիձեն հայտարարել է, որ Վրաստանի երրորդ նախագահ, այժմ անազատության մեջ գտնվող Միխեիլ Սաակաշվիլին հրաժարվել է նաեւ երրորդ բուժող բժշկից. այս մասին հայտնում է «Ալիք մեդիա»-ն:

Նրա խոսքով՝ կլինիկական առաջընթացի առումով Սաակաշվիլիի մոտ այս օրերին փոփոխություն չկա:

Զխաիձեն ասել է, որ բժիշկների համար ամեն օր ավելի ու ավելի է դժվարանում աշխատել Սաակաշվիլիի հետ, քանի որ

«Ինչ վերաբերում է կրիտիկական վիճակին, ուզում եմ ասել, որ ծանր վիճակում գտնվող հիվանդները բժշկին չեն ընտրում: Միխեիլ Սաակաշվիլիի առողջական վիճակի կլինիկական ընթացքը իրականում չի փոխվել», - ասել է Զխաիձեն:

Հիշեցնենք՝ Վրաստանի երրորդ նախագահը բանտում է գտնվում 2021 թվականի հոկտեմբերի 1-ից: Դատարանը նրան ազատազրկման է դատապարտել պատգամավոր Վալերի Գելաշվիլիին ծեծի ենթարկելու եւ Սանդրո Գիրգվիանիի մահ-

վան գործով դատապարտվածներին ներում շնորհելու համար: Այս երկուսից բացի, եւս երեք գործ է հարուցվել Սաակաշվիլիի նկատմամբ:

Ձերբակալման առաջին օրը Սաակաշվիլին հացադուլ էր հայտարարել, որը դարեցրել է Գորիի կլինիկա տեղափոխվելուց հետո: Հարազատների ու փաստաբանների խոսքով՝ Սաակաշվիլին Վրաստանում պատշաճ բուժում չի ստանում:

Թբիլիսիի քաղաքային դատարանը երկամսյա վերանայումից հետո՝ փետրվարի 6-ին, մերժել է փաստաբանների միջնորդությունը, Սաակաշվիլիի առողջական վիճակը հաշվի առնելով, ազատել նրան կամ հետաձգել պատիժը՝ արտերկրում բուժում ստանալու հնարավորություն ընձեռելով:

ԼՈՒՐԵՐ

ՄՊԱՆՈՒԹՅՈՒՆ՝ ԵՐԵՎԱՆՅԱՆ ՓՈՂՈՑՈՒՄ

ՀՀ քննչական կոմիտեի Կենտրոն եւ Նոր-Մարազ վարչական շրջանների քննչական երրորդ բաժնում քննություն է իրականացվում բացահայտելու ապրիլի 30-ին Երեւան քաղաքի Մյասնիկյան փողոցում կատարված սպանությունը: 2023 թվականի ապրիլի 30-ին ուշ երեկոյան, քաղաքացուց ահազանգ է ստացվել, որ Երեւան քաղաքի Մյասնիկյան փողոցային շենքերից մեկի մուտքի դիմաց արևահոտող, անգիտակից վիճակում, գետնին ընկած տղամարդ կա, որը չի շնչում: Դեպքի առթիվ ՀՀ քննչական կոմիտեի Կենտրոն եւ Նոր-Մարազ վարչական շրջանների քննչական երրորդ բաժնում 2023թ. մայիսի 1-ին, ՀՀ քրեական օրենսգրքի 155-րդ հոդվածի 1-ին եւ 335-րդ հոդվածի 1-ին մասերով, նախաձեռնվել է քրեական վարույթ: Նշված շենքի շքամուտքի մոտ հայտնաբերվել է արական սեռի, գլխի շրջանում առերեսությամբ հրազենային վնասվածքով տղամարդու դիակ: Պարզվել է վերջինիս ինքնությունը. նա հանդիսանում է Նույն շենքի բնակիչ, ըստ նախնական տվյալների՝ Հոլանդիայի քաղաքացի է:

Դեպքի վայրի զննությամբ հայտնաբերվել է երկու հատ պարկուճ, շքամուտքի դռան վրայից առերեսությամբ հրազենային զենքից կրակված գնդակի բեկոր, ինչպես նաեւ քննությանը հետաքրքրող այլ առարկաներ: Հարցաքննվել են բազմաթիվ վկաներ: Դեպքի առթիվ առաջ են քաջվել մի շարք վարկածներ, որոնց շուրջ իրականացվում են լայնածավալ օպերատիվ-հետախուզական, վարույթային եւ քննչական գործողություններ: Նշանակվել են դիակի դատաբժշկական, դատաձգաբանական եւ դատահետաքրքրական համալիր փորձաքննություններ: Նախաքննությունը շարունակվում է: Ձեռնարկվում են անհետաձգելի բոլոր միջոցները՝ դեպքի հանգամանքները, հանցագործություն կատարած անձին կամ անձանց ինքնությունը պարզելու եւ հայտնաբերելու ուղղությամբ:

ԱՊՕՐԻՆԻ ԳՈՐԾԸՆԹԱՑ

ArmLur.am-ին հայտնի դարձավ, որ Ռազմիկ Շահնազարյանին մեղադրանք է առաջադրվել այն բանի համար, որ նա, նախնական համաձայնության գալով Լեւոն Շիրինյանի, Գարեգին Քամայանի եւ Նարեկ Քամայանի հետ, ըստ նախապես կատարված դերերի բաշխման, շահադիտական նպատակով, կեղծ փաստաթղթեր ներկայացնելով, կազմակերպել է Հայաստանի Հանրապետության քաղաքացիներ Արամ Ղազարյանի, Ժիրայր Պողոսյանի, Զավեն Սարգսյանի, Վաչե Սարգսյանի, Ռազմիկ Մարտիրոսյանի, Արթուր Դեմիրջյանի, Կարեն Կզվանի, Դավիթ Մանուկյանի, Էմմա Ղուկասյանի եւ Նարեկ Զույանի անօրինական միգրացիան, բացի այդ, նախնական համաձայնության գալով Լեւոն Շիրինյանի եւ Խաչիկ Թորոսյանի հետ, շահադիտական նպատակով, ըստ նախապես կատարված դերերի բաշխման, կեղծ փաստաթղթեր ներկայացնելով, կազմակերպել է Հայաստանի Հանրապետության քաղաքացիներ Արթուր Բատոյանի, Ռոմիկ Սարգսյանի, Էդգար Խաչատրյանի, Բաղդասար Գորոյանի, Էդվին Ալալյանի եւ Տիգրանի Գրիգորյանի անօրինական միգրացիան:

Ը. ՄԱՆՈՒԿՅԱՍ

● Ապրիլի 27-ից 28-ը Հայաստանի Հանրապետությունում հայտնաբերվել են 1 անհետ կորած եւ 2 հետախուզվող: Կամավոր ներկայացել է 1 հետախուզվող:

ՀԱՍԱՐԱԿՈՒԹՅՈՒՆ

ԼՈՒՐԵՐ

ԲԱԺՆԵՏՈՄՄԵՐԸ ԵՎԱԶԵԼ ԵՆ

ԱՄՆ-ի խոշորագույն բանկերից մեկի՝ First Republic-ի շուկայական արժեքը նվազել է մինչև 557 մլն դոլար՝ 2021 թվականի նոյեմբերին 40 մլրդ դոլար արժեքի համեմատ:

Ինչպես հարորդում է Reuters-ը, բանկի բաժնետոմսերը նվազել են գրեթե 50%-ով: Նկատվում է ավանդների ռեկորդային արտահոսք՝ շուրջ 100 մլրդ դոլարի չափով, որի ֆոնին կարգավորիչները փորձում են շտապ գտնել նոր սեփականատեր բանկի համար:

Ինչպես ասվում է Լյուրեմ, ամերիկյան կարգավորիչները փորձում են հրատապ գործարք կնքել First Republic Bank-ի վաճառքի վերաբերյալ, որը կարող է կլանել JPMorgan Chase Bank-ը:

Աճուրդին մասնակցելու հայտ են ներկայացրել մոտ վեց բանկեր, այդ թվում՝ Citizens Financial Group-ը, PNC Financial Services Group-ը և JPMorgan Chase-ը:

Նշվում է, որ վարկատուները կմասնակցեն First Republic Bank-ի բոլոր ավանդների, նրա ակտիվների զգալի մասի և որոշ պարտավորությունների աճուրդին:

First Republic-ը ԱՄՆ-ի քսան խոշորագույն բանկերի շարքում էր: Ապրիլի 13-ի դրությամբ Սան Ֆրանցիսկոյում տեղակայված բանկի ընդհանուր ակտիվները կազմել են 229 մլրդ դոլար, ավանդները՝ 104 մլրդ դոլար:

ՌԵԿՈՐԴԸ ԿԱՐՈՂ Է ԳԵՐԱԶԱՆՑՎԵԼ

Ակնկալվում է, որ հանգուցյալ ավստրիացի միլիարդատեր Յոհան Յորթոնի ոսկերչական հավաքածուի աճուրդը գերազանցելու է հանգուցյալ դերասանուհի Էլիզաբեթ Թեյլորի կողմից ավելի քան մեկ տասնամյակ առաջ սահմանած ռեկորդը:

2011 թվականին Թեյլորի զարդերն աճուրդում վաճառվել են գրեթե 116 միլիոն դոլարով, իսկ նրա երկրպագու Քիմ Քարդաշյանը 64900 դոլար է ծախսել Lorraine Schwartz-ի երեք ապարանջանների համար:

Այնուամենայնիվ, Յորտոնի պատկառող ավելի քան 700 զարդեր ընդհանուր առմամբ գնահատվում են ավելի քան 150 միլիոն դոլար՝ ժնեպի Four Seasons Hotel des Bergues հյուրանոցում և մայիսին ու նոյեմբերին առցանց աճուրդների շարքում:

Christie's աճուրդի տունը հայտարարել է, որ երբեք աճուրդի դրված ոսկերչական իրերի «ամենամեծ ու ամենաթանկ» հավաքածուն «գերած» կտա 2011 թվականի Էլիզաբեթ Թեյլորի հավաքածուին և 2019 թվականի Maharajas & Mughal Magnificence աճուրդներին:

Չարդերը ներառում են Յորթի Ուինսթոնի 90 կարատանոց Briolette of India աղամանդե վզնոցը, Cartier մատանին սուտակով և աղամանի արյունով աղամաններով, ժամանակակից և վաղեմի Bulgari ստեղծագործությունների շարք ու այլ շքեղ ապրանքանիշեր, ինչպիսիք են Tiffany-ը և Van Cleef & Arpels-ը:

ԱՐՁԱՆԱԳՐԵԼ ԵՆ

ՆԵՐՈՂՈՒԹՅՈՒՆ Է ԽՆԴԻՐԵԼ

Երեսանի փոխադրադատ Տիգրան Ավինյանի կինը՝ Մարիամ Պահլավունին, ներողություն է խնդրել բժիշկ-ուրոլոգ Գեորգ Գրիգորյանից ոչ կոռեկտ «բառամթերփի» համար: «Փասինֆո»-ն գրում է, որ ներողություն խնդրելու Պահլավունուն դաժանաբան է դասարանը՝ արձանագրելով, որ նա վիրավորել է Գրիգորյանին:

Դեռևս 2020թ. մարտին ուրոլոգ Գեորգ Գրիգորյանը ֆեյսբուքյան իր էջում գրառում էր կատարել՝ հայտնելով, որ եթե Ավինյանը համապատասխան քայլեր չառնի կնոջ ասածի համար, ապա հարցը կլուծվի իրավական ճանապարհով:

«Յարգելի պարոն Ավինյան, Դուք չեք կարողացել զսպել Ձեր կնոջ ճառերը, եւ արդյունքում Ձեր կինը հանդես է եկել ոչ հարիր բառամթերքով սոցիալական ցանցում՝ հասցեագրված օտար տղամարդու, ինչը լայն տարածում է ստացել լրատվական դաշտում: Ակնկալում եմ Ձեր կողմից տղամարդուն վայել կեցվածք, պատասխանատվություն՝ սեփական կնոջ բառամթերքի համար»,- գրել էր Գրիգորյանը, սակայն արձագանք չստանալով՝ ապրիլի 4-ին դիմել էր դատարան՝ պահանջելով դատական կարգով պարտավորեցնել Պահլավունուն՝ ներողություն խնդրել, հերքել հրապարակայնորեն արտահայտված՝ պատիվը եւ արժանապատվությունը վիրավորող արտահայտությունները, ինչպես նաեւ 1 մլն դրամ բռնագանձել՝ որպես փոխհատուցում:

Խնդրո առարկա հայտարարությունը, որը, հայցվորի դիտարկմամբ, վիրավորանք էր պարունակում, եղել է «Առանց դրա էլ բոլորը շատ լավ գիտեն՝ ում շունն էս» արտահայտությունը:

Գործի քննության ընթացքում առաջին ատյանի դատարանը հայցի ապահովման միջոց է կիրառել՝ հայցապահանջի՝ 1 մլն դրամի չափով արգելանք դնելով Պահլավունու գույքի նկատմամբ: Երեսանի ընդհանուր իրավասության դատարանը՝ դատավոր Սիմիզար Յովսեփյանի նախագահությամբ, 2022թ. հոկտեմբերի 11-ին մերժել էր հայցադիմումը՝ վճռելով հօգուտ Պահլավունու բռնագանձել 200.000 դրամ որպես փաստաբանի խելամուտ վարձատրության գումար: Յայցվոր կողմը բողոքարկել է վճիռը՝ պահանջելով բեկանել այն և բավարարել հայցը՝ ընդդեմ Պահլավունու: Վերաքննիչ քաղաքացիական դատարանը՝ դատավոր Յարությանի Ենոքյանի նախագահությամբ, կազմով դատավորներ Նարեկ Գաբրիելյանի, Կարեն Յամբարձումյանի, մասնակի բավարարել է բողոքը՝ բեկանելով Սիմիզար Յովսեփյանի վճիռը:



Վերաքննիչ քաղաքացիական դատարանը պարտավորեցրել է Տիգրան Ավինյանի կնոջը ներողություն խնդրել բժշկից, Գեորգ Գրիգորյանից:

Ինչպես նաեւ բռնագանձել 100.000 դրամ որպես փոխհատուցում Գրիգորյանին պատճառված վնասի համար: Դատավոր Կարեն Յամբարձումյանը հատուկ կարծիք է ներկայացրել՝ իր անհամաձայնությունը հայտնելով վճռի պատճառաբանական և եզրափակիչ մասերով վիրավորանքի դիմաց որոշված 100.000 դրամի չափով փոխհատուցման հետ, եւ գտնում է, որ փոխհատուցման չափը պետք է սահմանվեր 200.000 դրամի չափով, ինչպես եւ առաջարկվել էր որոշման նախագծով: Վճիռը մտել է օրինական ուժի մեջ, ինչի հիման վրա՝ Մարիամ Պահլավունին ֆեյսբուքյան իր էջում հրապարակավ ներողություն է խնդրել բժիշկ-ուրոլոգ Գեորգ Գրիգորյանից:

ԼՈՒՐԵՐ

ՆՈՐ ՀԱԿԱԿՈՒՄՈՒՊՅՈՒՆ ԳԱՏԱՐԱՆ

Յայաստանը նոր վերաքննիչ հակակոռուպցիոն դատարան կունենա: Այս դատարանի ստեղծման վերաբերյալ նորմերն ուժի մեջ են մտնելու 2024 թվականի հունվարի 1-ից: Յամապատասխան նախագիծն արդեն ուղարկվել է խորհրդարանին:

ArmLur.am-ը տեղեկացավ, որ Վերաքննիչ հակակոռուպցիոն դատարանը իրականացնելու է հակակոռուպցիոն քաղաքացիական և կոռուպցիոն հանցագործությունների վերաբերյալ գործերով կայացված դատական ակտերի վերաքննության կարգով վերանայումը: Այդ դատարանը կազմված է լինելու թվով առնվազն 12 դատավորներից, որոնցից առնվազն 6-ն իրականացնելու են կոռուպցիոն հանցագործությունների վերաբերյալ գործերով, եւ առնվազն 6-ը՝ հակակոռուպցիոն քաղաքացիական գործերով կայացված դատական ակտերի դեմ բողոքների քննություն:

Յիմնավորման մեջ նշվում է, որ նախագծերի նպատակն է ապահովել հակակոռուպցիոն քաղաքացիական և կոռուպցիոն հանցագործությունների վերաբերյալ գործերով կայացված դատական ակտերի վերաքննության կազմակերպումը մասնագիտացված վերաքննիչ հակակոռուպցիոն դատարանի կողմից:

Այսպիսով, արդյունքում սույն թվականի հունիսի 15-ից վերաքննիչ քրեական և վերաքննիչ քաղաքացիական դատարանները դադարելու են քննել համապատասխանաբար կոռուպցիոն հանցագործությունների և հակակոռուպցիոն քաղաքացիական գործերով բողոքարկման ենթակա դատական ակտերը:

ԹՎԱՅԻՆ ՄԱՐԳՈՒ ԱՐՏԱԳՐՈՒԹՅՈՒՆ

Tencent Cloud ընկերությունը ներկայացրել է թվային մարդու արտադրության համար նախատեսված թվային հարթակ, որը կոչվում է Deepfakes-as-a-Service (DFaaS):

Մարդու թվային տարբերակը ստեղծելու համար ծառայության անհրաժեշտ է տվյալ մարդու մասնակցությամբ ընդամենը երեք րոպե տեւողությամբ տեսանյութ, նրա կողմից արտասանված 100 նախադասություն և 24 ժամ ժամանակ. այս ամենը արժեք ընդամենը 145 դոլար:

Մարդու թվային տարբերակը հասանելի է ինչպես ամբողջ հասակով, այնպես էլ մինչև գոտկատեղը տարբերակով: Ծառայությունը հասանելի է թե՛ չինարեն, թե՛ անգլերեն լեզուներով:

Tencent Cloud Intelligent Digital Human Products-ի գլխավոր մենեջեր Չեն Լեյն ասել է, որ ընկերությունը հույս ունի կառուցել «խելացի թվային մարդու ստեղծման ավտոմատացված ֆաբրիկա»:

Tencent-ն իր թվային մարդկանց համար առաջարկում է հինգ ոճ՝ երեք 3D (իրական, կիսաիրական և անիմացիոն) և երկու 2D (իրական և անիմացիոն):

Թվային մարդկանց կարելի է օգտագործել, օրինակ, չափազանց հեռու աշխատանքում, որոնք գնալով շատ տարածված են դառնում: Տեղական լրատվամիջոցները նաեւ հայտնում են, որ Tencent-ը կարող է օգտագործել այս մշակումը թվային բժիշկների, իրավաբանների և այլ մասնագետների ստեղծման համար:

● Ապրիլի 27-ից 28-ը Յայաստանի Յանրապետությունում նախկինում կատարված հանցագործություններից բացահայտվել է անձնական ունեցվածքի գողության և բնակարանային գողության 1-ական դեպք:

ՍՈՑԻԱԼԱԿԱՆ

ԼՈՒՐԵՐ

ԿԵՆԴԱՆԱԲԱՆԱԿԱՆ ԱՅՉԻ

«Այս պահին կենդանաբանական այգում ունենք 145-ից ավելի տեսակներ՝ 720-ից ավելի առանձնյակով: Տարվա ընթացքում պայմանավորվածություններ ենք ձեռք բերել նոր կենդանիներով համալրելու՝ փոխանակումների ձեռով, առանց լրացուցիչ ֆինանսական ներդրումների անհրաժեշտության»,- մայիսի 1-ին լրագրողների հետ զրույցում նշեց կենդանաբանական այգու տնօրենի պաշտոնակատար Աշոտ Ասլանյանը:

«Շնչահանրապետ, եվրոպական կենդանաբանական այգիներում արգելվում է կենդանիների առքուվաճառքը, փոխարենը կա կենդանիների փոխանակման պրակտիկա: Օրինակ՝ մտադիր ենք բերել սպիտակապոչ գնու, աֆրիկյան 1-2 անտիլոպներ, բորենիանման շներ»,- ասաց նա:

Հարցին, թե վերջին շրջանում ինչ կենդանատեսակների անկման դեպքեր են եղել, տնօրենի պաշտոնակատարը պատասխանեց. «Կենդանիների անկումը բնական պրոցես է բոլոր կենդանաբանական այգիների համար: Կենդանաբանական այգիների համար. մոտավորապես 10 տոկոս անկումը համարվում է նորմալի սահմաններում, քանի որ կենդանիները ծերանում են, հիվանդանում են, որոնց հնարավոր չէ բուժել: Նաև արունների միջև մրցակցության արդյունքում եւս վնասվածքներից կենդանիները կարող են մահանալ:

Անցած տարի մեզ մոտ անկումները 7 տոկոսի էլ չեն հասել: Շատ ուրախ ենք, որ այս տեսակետից բավականին նորմալ մակարդակի վրա ենք»:

Ինչ վերաբերում է 4-5 անգորի անկմանը, նա միայն ասաց, որ դա եղել է 2022-ի սկզբին՝ մինչև իր կենդանաբանական այգի տեղափոխվելը:

ԹԻԱՎԱՐՈՒԹՅՈՒՆՆԵՐԻ ՆՎԻՐՎԱԾ ԱԼԻԵՎԻՆ

Ադրբեջանի իշխանությունները պատրաստվում են արցախյան օկուպացված Մատաղիսում թիավարություն կազմակերպել՝ նվիրված Յեյդար Ալիեւի 100-ամյակին:

Թիավարության մրցումը տեղի կունենա Մատաղիսում (ադրբեջաներեն անվանումը՝ Սուղդուլուջան) և Մինգաչեւի-րում: Կմասնակցեն ակադեմիական թիավարության, բայդարկաներով թիավարության և կանոնով թիավարության ավելի քան 100 ադրբեջանցի և օտարերկրացի մարզիկներ 20 երկրներից: Թիավարության փակման արարողությունը տեղի կունենա մայիսի 7-ին Բաքվում:

Ինչպես նշել են ադրբեջանական ԶԼՍ-ները, այս տարի թիավարությունն առաջին անգամ ներառվել է Կանոնի եվրոպական ասոցիացիայի օրացուցային պլանում:

Ավելի վաղ Հայաստանի կրթության, գիտության, մշակույթի և սպորտի նախարարությունը դիմել էր Բաքվում «Ֆորմուլա-1» գրան պրիի կազմակերպիչներին՝ Ադրբեջանի իշխանությունների հանցավոր քաղաքականության մասնակիցը չդառնալու կոչով: Կոչն անտեսվել է: Այժմ Կանոնի եվրոպական ասոցիացիան էլ է միացել Ադրբեջանի իշխանությունների ցեղասպանածին քաղաքականությունը թաքցնելու փորձերին:

ՊԱՏՄՈՒԹՅԱՆ ԹԱՆԳԱՐԱՆ

ԺԱՄԱՅԻՆ ԵՎ ՄԱԿԱԳՆԱՅԻՆ ՓՈՓՈԽՈՒԹՅՈՒՆՆԵՐ

2023 թվականի մայիսի 1-ից Հայաստանի Պատմության Թանգարանում կլինեն ժամային և սակագնային փոփոխություններ. այս մասին տեղեկացնում է թանգարանը:

Ժամային նոր գրաֆիկը հետեւյալ տեսքն ունի՝ երեքշաբթի-կիրակի՝ 10:00-18:00, ուրբաթ՝ 10:00-19:00 (թանգարանը նշված ժամանակացույցով կգործի մայիսի 1-ից մինչև հոկտեմբերի 1-ը): Հրապարակվել են նաև տոմսերի արժեքները՝

- մշտական ցուցադրության այցելության տոմս՝ 2500 ՀՀ դրամ,
  - մշտական ցուցադրության բացառության տոմսեր՝ հայերենով՝ 4000 ՀՀ դրամ,
  - օտար լեզուներով՝ 5000 ՀՀ դրամ,
  - կրթական ծրագրեր՝ 2000 ՀՀ դրամ:
- Այցելության տոմսի գինը 50 տոկոսով կզեղչվի՝
- 12 տարեկանից բարձր դպրոցականների,
  - ուսանողների,
  - Հայաստանի և Արցախի տարածքներում մարտական գործողությունների ժամանակ ծառայողական պարտականությունները կատարելիս զոհված զինծառայողների ընտանիքների անդամների,
  - ՀՀ քաղաքացի հանդիսացող կենսաթոշակառուների և փախստականների համար:

Մշտական ցուցադրության անվճար այցելության արտոնություն է սահմանվում՝

- մինչև 12 տարեկան երեխաների,
- Հայաստանի ժամանած պետական պաշտոնական պատվիրակությունների անդամների,
- Հայաստանում հավատարմագրված դիվանագիտական ներկայացուցիչների,
- Թանգարանների միջազգային խորհրդի անդամների /ԻԿՕՄ/,
- թանգարանային աշխատողների,
- երկրորդականի ծնողազուրկ 12 տարեկանից բարձր տարիքի երեխաների,
- հատուկ խնամքի և կենցաղային սպասարկման կարիք ունեցող ծերերի,



Երկրորդ համաշխարհային պատերազմի մասնակիցների /ՀՀ և Նախկին ԽՍՀՄ պետությունների հաշմանդամություն ունեցող 1-ին խմբի/ուղեկցող անձի հետ/,

- հաշմանդամություն ունեցող՝ 2-րդ և 3-րդ խմբերի /առանց ուղեկցողի/,
- աղքատության /ընտանեկան/ նպաստի համակարգում ընդգրկված նպաստառուների,
- բազմազգակ ընտանիքների 12 տարեկանից բարձր երեխաների,
- ժամկետային զինծառայողների,
- ՀՀ սահմանամերձ շրջանների 12 տարեկանից բարձր դպրոցական տարիքի երեխաների /նախօրոք ներկայացված/:

քի երեխաների /նախօրոք ներկայացված հայտերի հիման վրա/, լրագրողների՝ աշխատանքային բոլոր օրերին /անձը և կարգավիճակը հաստատող փաստաթղթի առկայության դեպքում/ համար: Հայաստանի Հանրապետության քաղաքացիների համար յուրաքանչյուր ամսվա վերջին շաբաթ օրը մուտքը կլինի ազատ: Փոփոխությունների համար հիմք է ընդունվել ՀՀ ԿԳՄՍ նախարարության հրամանը:

ՀՈՒՆԱՍՏԱՆ

ՄԱՅԻՍԻ 1-Ը ՆԵՎԵԼ Է ԶԱՆԳՎԱԾՄԱՅԻՆ ՑՈՒՅՑԵՐՈՎ

Աշխատանքի օրը՝ Մայիսի 1-ը, Հունաստանում նշվում է զանգվածային գործադուլներով և ցույցերով, մասնակցում են արհմիությունները:

Բոլոր նավերը Մայիսի 1-ին կման նավահանգիստներում նավագնացային ընկերությունների արհմիությունների 24-ժամյա գործադուլի պատճառով: Տրանսպորտային ընկերությունների աշխատակիցները որոշել են մի քանի ժամ դադարեցնել աշխատանքը: Աթենքում ավտոբուսները և տրոլեյբուսները չեն աշխատի հերթափոխի ընթացքում՝ առավոտ ժամը 09.00-ից մինչև 21.00-ը: Աթենքի մետրոն և տրամվայը չեն աշխատի ամբողջ օրը, չեն աշխատի նաև մերձքաղաքային գնացքները: Սալոնիկն ամբողջ օրը կմնա առանց քաղաքային ավտոբուսների 24-ժամյա գործադուլի պատճառով:

Աթենքում տեղի կունենան խոշոր արհմիությունների ցույցեր: «Համահունակ մարտական ճակատ» (ՄԱՄԵ) կոմունիստական արհմիությունը ցույց կանցկացնի խորհրդարանի մոտ՝ Սինտագմա հրապարակում: Հունաստանի Աշխատանքի համընդհանուր կոնֆեդերացիան (GSEE), Պետական ծառայողների արհմիության ADEDY բարձրագույն խորհուրդը և Աթենքի աշխատանքի EKA կենտրոնը հանրահավաք կանցկացնեն Կլատոնոս հրապարակում կոմունիստներից մի քանի հարյուր մետր հեռու: «Աշխատանքի օրը նշանային օր է աշխատանքային շարժման համար, այն նշանավորում է դասակարգային պայքարի, նեխած և բարբարոսական կապիտալիստական համակարգի տապալման ուղին, դեպի նոր հասարակություն՝ սոցիալիզմ-կոմունիզմ տանող ուղին»,- նշվել է

Հունաստանի Կոմկուսի՝ տոնի առիթով տարածած հայտարարությունում: Հունյ կոմունիստների կարծիքով՝ վերջերս տեղի ունեցած ժողովրդական զանգվածային ելույթները եվրոպական շատ երկրներում ցույց են տալիս միակ ուղին, որը կարող է հանգեցնել մարդու կողմից մարդու շահագործման վերացմանը: «Դրանք ցույց են տալիս, որ վարձու ստրկությունից բանվոր դասակարգի ազատագրման պայքարը կապիտալիզմի շրջաններից մարդկության ազատագրման ուղին է»,- նշվել է հայտարարությունում: Հունաստանի Կոմկուսը գգուշացնում է, որ բուրժուական ցանկացած կառավարություն, որը կծեւավորվի մայիսի 21-ի ընտրություններից հետո, օբյեկտիվորեն կնպաստի հակաժողովրդական քաղաքականության սրմանը Հունաստանում, և կոչ է անում քվեարկել կոմունիստների օգտին:

«Ճողովուրդ» օրաթերթում և Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԿԱՐԾԻՔ

ՄԻՋԱԶԳԱՅԻՆ

ՄԵԿՆԱՐԿԵՅ «ԱՐՄԵՆՊՐԵՍ» 21-ՐԴ ԹԱՏԵՐԱԿԱՆ ՓԱՌԱՏՈՆԵՐ

ՀՀ ԿԳՄՍ նախարարության աջակցությամբ Հայաստանում մեկնարկում է «Արմոնո» 21-րդ հորեյանական միջազգային բաժնետիրական փառատոնը: Այս տարի փառատոնի մասնակից երկրներն են Ռուսաստանը, Վազախաստանը, Բելառուսը, Վրաստանը...



Ներկայացումների ցուցադրությունը չի սահմանափակվել մայրաքաղաքով: Ինչպես նախորդ տարիներին, այս տարի էս Զայաստանի մյուս քաղաքների թատերասերները մասնակցելու հնարավորություն կունենան: Ներկայացումներ ցուցադրվելու են նաև Գյումրիում...

Փառատոնի շրջանակում Զայաստանում է «Կեսգիշերային Նետը» դեբյուտային մոնոներկայացումների թատերական փառատոնի տնօրեն Մարել Կոլովսկին Լեհաստանից: Նա վարպետության դաս է անցկացնելու տեղի երիտասարդ մասնագետների հետ: «Մեծ ուրախությամբ եմ մասնակցում «Արմոնո» փառատոնին: Իմ ցանկությունն է, որ Լեհաստանի դեբյուտային երիտասարդ դերասանները կարողանան իրենց մասնակցությունն ունենալ փառատոնին: Ամեն ջանք գործադրելու եմ, որ գալ այստեղ բեմադրեն լեհական ներկայացումներ: Սա իմ առաջին համագործակցությունն է լինելու «Արմոնո» փառատոնի հետ»,- ասաց Մարել Կոլովսկին: Փառատոնի օրերին Երեւան կժամանեն միջազգային հեղինակավոր փառատոնների տնօրեններ, փորձագետներ, որոնք կանցկացնեն վարպետության դասեր: Փառատոնն անցկացվելու է մինչև մայիսի 17-ը:

ԼՈՒՐԵՐ

ՄԵՐԿ ԼՈՒՄԱՆԿԱՐ՝ ԱՄՍԱԳՐԻ ՀԱՄԱՐ

Հայտնի մոդել Վինի Յարլուն ամբողջովին մերկ լուսանկարվել է Womens' Health ամսագրի համար՝ լինելով վիտիլիգոյով առաջին աշխարհահռչակ մոդելը: Այն աուտոիմուն հիվանդություն է, որն առաջացնում է պիգմենտացված մաշկի բծեր: Վինին ոչ միայն առաջին գծի գինվորն է գեղեցկության համար պայքարում, այլև անթիվ կանանց եւ աղջիկների հերոսը, որոնք երբեք անհարմար են զգացել իրենց արտաքինից: Վինին, ով Instagram-ում ունի ավելի քան 10 միլիոն հետեւորդ, պնդում է, որ ցանկություն չունի լինել օրինակելի (սա նախընտրում է «ներշնչանք»): Այնուամենայնիվ, նրա իմիջը զարդարող ամսագրի շապիկների եւ գովազդային վահանակների ազդեցությունը, ինչպես նաև նրա աշխատանքը անթիվ գովազդային արձավներում, այդ թվում՝ Fendi-ի, Puma-ի եւ M.A.C-ի համար, անհերքելի է: Մի անգամ մի երկրպագու Վինիի հետ կիսվել է իր մոր մասին պատմությամբ, որն իր ամբողջ կյանքն անցկացրել է վիտիլիգոյի պատճառով ձեռքերը ծածկելով: «Իմ ամբողջ կյանքում մայրս երբեք իրեն գեղեցիկ չի զգացել, հետո ես ցույց տվեցի նրան թո նկարը, իսկ հիմա նա կարճ թե է հագնում»: «Հիանալի է, որ ես կարող եմ օգնել մարդկանց վստահություն սերմանել՝ անկախ նրանից, թե որ ոլորտում են նրանք»,- ասել է մոդելը:

«ԴԵՎԻԴ ԲՈՈՒԻԻ ԿԻՆ»

67-ամյա սուպերմոդել Իմանը շարունակում է ապացուցել, որ ժամանակն ու բնությունը իշխանություն չունեն իր վրա: Նա հայտնվել է Նյու Յորքում The Prince's Trust Global Gala-ին եւ պուտավոր զգեստով հիանալի տեսք է ունեցել: Իմանը որոշել է նվազագույնի հասցնել իր դիմաքարտը: Անցյալ տարի Իմանը պատմել է իր վշտի՝ ամուսնու՝ Դեյվիդ Բոուիի մահվան մասին: Նա ասել է, որ հրաժարվել է նրան «մահացած» անվանել: «Նա իմ հանգուցյալ ամուսինը չէ: Նա իմ ամուսինն է: Ես ընդհանրապես դեմ չեմ, որ ինձ անվանեն «Դեյվիդ Բոուիի կին»: Բայց ես միշտ հիշեցնում եմ մարդկանց, որ ես եղել եմ նախքան նրան հանդիպելը: Եվ նա նույնպես շատ յուրահատուկ էր: Նա ինձ երբեք չի ներկայացրել՝ ասելով՝ ծանոթացե՛ք կնոջս հետ: Նա միշտ ասում էր. «Ծանոթացե՛ք, Իմանն է՛ կինս»: Մենք միասին էինք, բայց անհատներ էինք», - ավելացրել է նա:

ԿԻՆՈՓՈՒՈՍՈՆ

«ՈՍԿԵ ԾԻՐԱՆ»-Ի ԱՆՑԿԱՑՄԱՆ ԺԱՄԿԵՏՆԵՐԸ

Երեւանի «Ոսկե ծիրան» հորեյանական 20-րդ միջազգային կինոփառատոնն այս տարի տեղի կունենա հուլիսի 9-16-ը. այս մասին ArmLur.am-ին հայտնեցին «Ոսկե ծիրան» Երեւանի միջազգային կինոփառատոնի մասնուղի գրասենյակից:

Այս տարի էս միջազգային կինոտոնը հանրությանը կներկայացնի մրցութային կինոնկարներ աշխարհի տարբեր երկրներից, ինչպես նաև ֆիլմեր ամենահեղինակավոր (Կաննի, Բեռլինի եւ այլն) կինոփառատոններից: Հայաստան կժամանեն կինոյի համաշխարհային դեմքեր, որոնք իրենց փորձն ու արվեստը կներկայացնեն կինոսերներին: «Ոսկե ծիրան»-ը այս տարի նշում է ստեղծման 20-րդ հորեյանը: Բայց այդ, այս տարի նշվում է հայ կինոյի 100-ամյակը, եւ փառատոնն առանձնահատուկ անդրադարձ կունենա այդ երկու հորեյաններին: Փառատոնի վերաբերյալ այլ մանրամասներ հանրությանը կներկայացվեն ավելի ուշ:




● Մայիսի 3-ին Կ. Դեմիրճյանի անվան մարզահամերգային համալիրում տեղի կունենա «Նիկոս Վերտիս» համերգը: Տոմսերի արժեքը՝ 10000-50000 դրամ: Սկիզբը՝ ժամը 20:00-ին:



Էջը՝ ՈՂՋԱ ՊՈՂՈՍՅԱՆԻ

## ՏՆՏԵՍԱԿԱՆ

**ՀԱՐՑ. Հեաբրբիբ է իմանալ, թե ինչով են դայմա-նավորված ՀՀ դրամի փոխարժեքի սահմանումները: Հայաստանի Զիլավյան (45 տարեկան)**



**ՊԱՏԱՍԽԱՆ.** Ազատ լողացող փոխարժեքի ռե-ժիմի պայմաններում ազգային արժույթի փոխարժեքը ձեռավորվում է արժույթային շուկայում առկա առա-ջարկի ու պահանջարկի եւ դրանց փոփոխությունների ազդեցության ներքո: Եթե արտահանման աճի կամ կապիտալի ներհոսքի հետեւանքով տվյալ ազգային արժույթի շուկայում ավելանում է արտարժույթի առա-ջարկը, ազգային արժույթի դիրքերն անհրաժեշտա-բար ամրապնդվում են: Համապատասխանաբար, ներ-մուծման աճը կամ կապիտալի արտահոսքը նպաս-տում են ազգային արժույթի դիրքերի թուլացմանը:

Փոխարժեքի փոփոխությունը կարող է լինել բավա-կանին տեսական, երբ այն պայմանավորված է երկա-րաժամկետ բնույթի գործոններով, կարող է կրել սեզո-նային բնույթ (երբ, օրինակ, ներմուծման ու արտահան-ման սեզոնները տարբեր են) եւ կարող է լինել կարճա-ժամկետ, երբ այն կարճաժամկետ գործոնների (օրի-նակ՝ կարճաժամկետ ֆինանսական ներհոսքի կամ արտահոսքի) ազդեցության արդյունք է:

**ՀՀ կենտրոնական բանկ**

**«ԺՈՂՈՎՈՒՐԳ».** Արժույթային շուկայում առկա առաջարկն ու պահանջարկը կարող են փոփոխվել նաեւ մի շարք այլ գործոնների ազդեցության ներքո, որոնցից են, մասնավորապես, կառավարության ծախ-սերը, Կենտրոնական բանկի ինտերվենցիաները, ար-ժույթային կարգավորման ոլորտում օրենսդրական փո-փոխությունները, էներգակիրների գների տատանու-մները, բնակչության մոտ ձեռավորվող սպասումները:

## ԿԱՐԳ

**ՀԱՐՑ. Խնդրում եմ ասել՝ կազմակերպության լու-ծարման դեղինում ի՞նչ ժամկետում դեմք է ներկա-յացնել հաշվետվությունները: Սիրան Հայրապետյան (37 տարեկան)**



**ՊԱՏԱՍԽԱՆ.** Ս. Հայրապետյանի հարցին ի պա-տասխան՝ տեղեկացնում ենք, որ «Հարկերի մասին» Հայաստանի Հանրապետության օրենքի 16.1 հոդվա-ծի համաձայն՝ հարկ վճարողի լուծարման դեպքում մինչեւ հաշվետու ժամանակաշրջանների ավարտը հարկային մարմին ներկայացված միջանկյալ եւ (կամ) լուծարային հաշվարկները (հայտարարագրերը, հաշ-վետվությունները, հաշվեկշիռները) համարվում են հաշվետու ժամանակաշրջանների համար ներկայաց-ված հաշվարկներ (հայտարարագրեր, հաշվետվու-թյուններ, հաշվեկշիռներ), եթե այդ հաշվարկները (հայտարարագրերը, հաշվետվությունները, հաշվեկ-շիռները) ներկայացնելուց հետո՝ մինչեւ հաշվետու ժամանակաշրջանների ավարտը, հարկ վճարողը որեւէ գործարք կամ գործառնություն չի կատարել, որոնց հիման վրա առաջացած պարտավորություննե-րի վճարման օր է համարվում դրանց ներկայացմանը հաջորդող տասներորդ աշխատանքային օրը:

**ՀՀ պետական եկամուտների կոմիտե**

**«ԺՈՂՈՎՈՒՐԳ».** Նշենք, որ հարկային օրենսդրության խախտումներ հայտնաբերելու դեպ-քում հարկային պարտավորություններ չեն կարող առաջանալ, եթե տվյալ խախտումը հայտնաբերվել է այն կատարելու տարվան անմիջապես հաջորդող երեք տարին լրանալուց հետո: Նույն օրենքի 1-ին հոդ-վածի համաձայն՝ հարկային օրենսդրությունը բաղկա-ցած է «Հարկերի մասին» օրենքից եւ առանձին հար-կատեսակների մասին օրենքներից:

## ԼՈՒՐ ԿԱՐԴ

Լուսանկարը՝ համացանցից



ՖԻՂԵ-ն հրապարակել է շախմատի համաշխարհային վարկանիշի թարմացված աղյուսակը:

Աշխարհի լավագույն շախմատիստների 100-յակում տեղ են գտել հայ 3 շախմատիստ: Գաբրիել Սարգսյանը զբաղեցնում է 42-րդ տեղը՝ 2692 միավորով, Հայկ Մար-տիրոսյանը՝ 61-րդ տեղը՝ 2675 միավորով, իսկ Հրանտ Մելքոնյանը՝ 2650 միավորով՝ 92-րդ տեղում է:

ԱՄՆ դրոշի ներքո հանդես եկող Լեոն Արոնյանը վար-կանիշում 2745 միավորով զբաղեցրել է 11-րդ տեղը:

Աշխարհի լավագույն շախմատիստների 100-յակը շա-րունակում է գլխավորել Նորվեգացի գրոսմայստեր, աշ-խարհի նախկին չեմպիոն Մագնուս Կարլսենը (2853 մի-ավոր):

## ԲԱԺԱՆՈՐԴԱԳՐՈՒԹՅՈՒՆ

Մեր թերթը  
Բաժանորդագրվելու  
համար կարող եք դիմել

«Հայմամուլ» ՓԲԸ  
հեռ. 45-82-00, 45-19-11

«Հայփոստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադառ-նանք ձեր բարձրացրած բոլոր խնդիրներին:

## ԱՌԱՋԱՐԿ

### հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

### Բաժանորդագրության բլանկ

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

## ԵՂԱՆԱԿԻ ՏԵՍՈՒԹՅՈՒՆ



Շիրակ	+3 + 8 +12 + 16	Արարատ	+9 + 12 +22 + 25
Կոտայքի լեռներ	+3 + 6 +12 + 14	Արմավիր	+8 + 10 +22 + 24
Կոտայքի նախալեռներ	+8 + 10 +18 + 20	Վայոց ձորի լեռներ	+3 + 6 +14 + 17
Գեղարքունիք	+2 + 6 +12 + 17	Վայոց ձորի նախալեռներ	+8 + 11 +18 + 22
Լոռի	+4 + 8 +17 + 20	Սյունիքի հովիտներ	+11 + 14 +25 + 30
Տավուշ	+7 + 12 +20 + 24	Սյունիքի նախալեռներ	+4 + 8 +20 + 26
Արագածոտնի լեռներ	+3 + 7 +12 + 14	Արցախ	+11 + 15 +27 + 32
Արագածոտնի նախալեռներ	+8 + 11 +18 + 22	Երեւան	+9 + 11 +21 + 23

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22<sup>ա</sup>/3, հեռ.՝ 010 54-64-23  
Պետական գրանցման վկայականի համարը՝ 03Ա089086  
տրված է 24.11.2010  
Ստորագրված է տպագրության 1.5.2023

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում  
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը: «Շարունակությունը կարող էք կարդալ «Ժողովուրդ» օրաթերթի այսօրվա համարում»: